

江湖載酒集

曝書亭詞注

秀水朱彝尊校

卷一



曝書亭集  
詞注

校經廬臧版

讀書著論貴有用於世雕蟲小技前人嘗薄之而不爲至以  
他人之詩若文斤斤焉爲之注釋其學更瑣瑣不足言富孫  
自弱冠閒喜爲倚聲於本朝諸家尤愛先徵士秋錦公暨  
竹垞先生詞實能兼清真白石梅谿玉田之長顧先生之詩  
已有江楊孫三家注而未及其詞有欲爲之亦未迄就頃客  
莫釐蕭寥無緒重讀先生詞因隨加注釋曩厲徵君樊榭與  
查孝廉蓮坡同箋絕妙好詞自慚見聞舛陋不敢望徵君輩  
藩籬惟與先生同里居遺韻流風猶得濡染於百餘年間心  
竊慕之則雖有以瑣瑣相誚者其亦奚辭嘉慶十有九年七  
月後學李富孫書於七十二峯精舍

曝書亭集詞註凡例

原集係先生晚年手定之本其詞尙有見於六家詞瑤華集等書或刪去不存當非愜意之作今不敢附入并有與六家詞字句互異亦爲後來竄改茲不復引

原集有先生自注並列於前并標明以別之其或前有應注卽云見某卷自註惟蕃錦集唐人名氏不標列自注以省繁冗

靜志居琴趣一卷大抵與閒情風懷同意只箋釋故實不別援引他事以證之

蕃錦集一卷並爲標注原題然先生自注唐人名氏頗有錯誤卽據所知訂正尙有二句爲本集所無而未得檢出

者仍存原注以俟補正

原集間有譌字如女冠子鶯簧誤作篁阻風湖口渺渺誤作渺沙壽劉宣人劉歆誤作歆送曹子顧還南谿八百誤作百八鈔本江湖載酒集作八百索曹次岳畫竹垞圖江鄉誤作江榔之類並爲改正不復標識

集內引用故實如已見前者均注明見某卷某詞不重引以免複

集內附載他人之作昉於杜集前人多不加注今亦並注釋惟不敢另增附同作

先生博極羣書其所取用未易蒐討邇來前輩凋謝末由就質而獲落寡交見聞淺眊疏漏舛誤之處尤所不免統

冀博雅君子指示不逮俟續補注幸甚

曝書亭集詞註卷一

嘉興 李富孫 纂

吳縣 嚴榮參

江湖載酒集上

霜天曉角

早秋放鶴洲池上作  
嘉興縣湯志放鶴洲在縣南三里駱家圩東唐宰相裴休放鶴之所靜志居詩

話城南放鶴洲相傳為唐相裴休別業然考新舊唐書俱不言休流寓吳下或曰南渡初禮部郎中朱敦儒營之以為墅洲名其所題雖不見地志觀樵歌一編多在吾鄉所作此說近是世父子葵拓地百畝自湖之南有堂有亭有橋有船有岡有樹有庖有湑雜樹花果瓜疇芋區菜圃靡所不具今則大樹飄零高臺蕪沒止存卧柳斷橋而已

青桐垂乳

莊子桐乳致巢注司馬彪曰桐子似乳著其葉而生

容易凝珠露

王融風賦韻珠露之參差楊於陵詩凝露

朝垂珠

一縷金風飄落

李密詩金風颺初節

添幾點豆花雨

荆楚歲時記里俗以八月雨謂之豆花雨

簾戶翦燈語

杜甫詩簾戶每宜通乳燕陸游詩翦燈院落晨猶冷

草蟲飛不去

王維詩燈下草蟲鳴坐

愛水亭香氣

周瑀詩荷香入水亭

是藕葉最多處

韓偓詩藕葉枯香折野泥

高陽臺

并序

吳江葉元禮

國朝別裁詩集葉舒崇字元禮吳江人康熙丙辰進士官中書舍人舌夫子亭雜錄葉元禮神清不減衛叔寶已未鴻詞之

舉閣中諸老亟薦之至京師病卒

少日過流虹橋

蘇州府志流虹橋在吳江縣城外同里鎮屬舊二十六都

有女子

在樓上見而慕之竟至病死氣方絕適元禮復過其門女之

母以女臨終之言告葉葉入哭女目始瞑友人爲作傳余記

以詞

續本事詩朱彛尊流虹橋紀事葉舒崇元禮美丰姿少日隨其兄學山過流虹橋有女子在樓上見而慕之問其母曰有與葉九秀才偕行者何人

也母漫應之曰三郎也女積思成疾將終語母曰得三郎一見死無恨矣女卒元禮適過其門母以女臨終之言告元禮入哭女目始瞑余作高陽臺記之一時交

傳其事

橋影流虹湖光映雪

吳郡志吳江西出太湖口卽水光接天

翠簾不卷春深

許渾詩翠簾凝晚香

春渚紀聞唐明皇曉起苑中時春候已深而林花未放顧視左右曰是須我一判斷耳白居易劉禹錫有和春深詩各二十首秦觀詩入簾飛絮報春深一

寸橫波

傅毅舞賦眉連娟以增繞今目流睇而橫波李善注橫波言目斜視如水之橫流也趙德麟春恨詞惱亂橫波秋一寸

斷腸人

在樓陰

爾雅翼猿善啼啼數聲則衆猿叫嘯騰擲如相和焉其音淒入肝脾故巴峽諺曰巴東三峽巫峽長哀猿三聲斷人腸蘇軾詩樓前知有斷腸

人杜甫詩水靜樓陰直

游絲不繫羊車住

沈約詩游絲映空轉晉書輿服志衛玠風神秀異乘羊車入市見之者皆以爲玉人

倩何人傳語青禽

漢武故事七月七日忽有青鳥飛集殿前東方朔曰此西王母欲來有頃王母至三青鳥夾侍王母旁薛道衡

詩願作王母三青禽飛來飛去傳消息

最難禁倚徧雕闌

王九思詩紫雲臨綺席朱袖倚雕闌

夢徧羅衾

沈

詩羅衾積夢驚春晚

重來已是朝雲散

宋玉高唐賦昔者先王嘗游高唐夢見一婦人曰妾在巫山之陽高邱之岨旦爲朝

雲暮爲行雨朝朝暮暮陽臺之下

悵明珠佩冷

列仙傳鄭交甫至漢臯臺下見二女佩兩珠大如荆雞卵二女解與之旣行及顧二女不

見佩珠亦失杜甫詩洞房環佩冷

紫玉煙沈

搜神記吳王夫差小女名紫玉說童子韓重私許爲妻王不與玉結氣死後魂歸見王夫

人聞之出而抱玉如煙然

前度桃花

曹唐劉阮再到天台不復見諸仙子詩草色總非前度色煙霞不似昔年春桃花流水依然在

勸酒

依然開滿江潯

淮南子游於江潯

鍾情怕到相思路

向子諲詞濛濛烟樹無重數不得相

思盼長隄草盡紅心

異聞錄王生夢侍吳王聞葬西施生應教爲詩曰滿地紅心草三層碧玉階春風無處所悽悽不勝懷

動愁吟碧落黃泉兩處誰尋

白居易長恨歌上窮碧落  
下黃泉兩處茫茫皆不見

柳梢青

和沈山子西湖後游之作

先生沈君墓誌諱進字

山子初名馭補學官弟子更焉先世自湖州徙嘉興遷梅會  
里晚號知退叟著有藍村稟力圖蕭閒詞夢梁錄杭城之西有  
湖曰西湖舊名錢唐湖周圍三十餘里自古迄今號為絕景

障羞羅扇

齊書劉祥傳司徒褚彥回入朝以腰扇障日祥從側過曰  
作如此舉止羞面見人扇障何益李商隱詩月扇未障羞

花時猶

記者邊曾見曲梁闌干

周邦彥詞簾外  
曲角闌干近

玲瓏窗戶

陳羽詩似見樓上  
人玲瓏窗戶開

也都尋徧

兩峯依舊青青

浙江通志西湖十景一曰兩峯插雲錢唐縣  
志南高峯與北高峯對峙高一千六百丈

但不比睂梢平遠

溫庭筠詞黛睂山兩點吳文英詞暮愁鎖殘柳睂  
梢黃子久寫山水訣山從下相連不斷謂之平遠

第一

難忘重來崔護去年人面

本事詩博陵崔護姿質甚美清明日獨游都  
城南得居人莊一畝之宮而花木叢萃寂若

無人叩門久之有女子開門獨倚小桃斜柯佇立而意屬殊厚崔辭去及來歲清  
明忽思之往尋門牆如故而已鎖扃之因題詩於左扉曰去年今日此門中人面

桃花相映紅人面祇今何  
處去桃花依舊笑春風

原作

嘉興沈進山子

十二重樓

見後天龍寺

是誰珠箔雙掩銀鉤

項斯詩珠箔當空挂玉鉤宋史樂志翠簾人靜月光

浮但半捲銀鉤

桃葉春潮

見後蝶戀花

楊花暮雨一段閒愁

李邕詩疑為一段愁

飛來

沙際輕鷗

徐鉉詩輕鷗接翼滿平沙

芳草外春風舊遊團扇歌殘

見卷二羅題其年

衣試罷

葉容詩最宜沙路試羅衣

人上蘭舟

曹松詩約開蓮葉上蘭舟

清平樂

秋夜宿燈公山房外宣徹生燈公石佛禪院僧

尋壑

秋林風絳鐘乳霜初降

考工記鳧氏為鐘篆間謂之枚注枚鐘乳也樂叶圖徵鐘有九乳山海經豐山有九耳鐘霜降則鳴

章孝標詩露凝鐘乳冷

應有愁猿來聽講

沈佺期謁無礙上人詩窺講白猿參王維游活真寺詩愁猿學四禪

吠犬

寥寥深巷

王維與裴迪畫深巷寒犬吠聲如豹村墟夜舂復與疏鐘相間

明星無數茅檐

陸游詩明星磊磊茅

屋披衣轉覺寒添不是山中無酒何妨一醉陶潛

高僧傳僧惠遠居廬山東

林寺以書招陶淵明淵明謂若許飲酒即往師許之遂造焉皎然招韓武康章詩山僧雖不飲酤酒引陶潛

憶王孫

黃蘆紅蓼白蘋洲

秦觀詞紅蓼花繁黃蘆葉亂夜深玉露初零太平寰宇記白蘋洲在雪谿東南去州治一里趙微明詩惟見分

手處白蘋滿芳洲

一水東西南北流

鮑照行路難瀉水置平地各自東西南北流

舊日秋娘尚在

不

杜牧杜秋娘詩序杜秋娘金陵女也年十五為李錡妾後錡叛滅籍之入宮

石橋頭

法苑珠林天台懸崖峻特上有往時精舍得道者居之雖

有石橋跨澗而莓苔清滑無得至者施肩吾詩踏我桃花過石橋安仙詩桃花流水石橋寒

柳外斜陽花外樓

辛棄疾詞柳外

斜陽水邊歸鳥隴上吹喬木蔣捷詞花外樓柳下舟夢也夢也夢不到寒水空流

又

夜泛鑑湖

會稽記漢順帝永和五年會稽太守馬臻創立鑑湖在會稽山陰兩縣界水少則洩湖灌田水多則出湖決田中水入

海舊浙江志鑑湖又曰鏡湖在會稽縣西南三十里

天邊新月兩頭纖

舌兩頭纖纖詩兩頭纖纖月初生半白半黑眼中晴

鏡裏晴山萬點尖

杜甫

詩萬點蜀山尖

小櫂烏篷不用簾

陸游歸三山詩烏篷畫楫有新船

夜厭厭

詩厭厭夜飲

漸覺微風

衣上添

生查子

雙眉澹遠山

西京雜記卓文君姣好眉色如望遠山臉際常若芙蓉

一 髻簪寒玉

西京雜記武帝過李夫人就取玉簪

搔頭自此宮人搔頭皆用玉溫庭筠詞寒玉簪秋水

鉛粉幾曾施

薛能吳姬詩薄施鉛粉畫青蛾

最好新妝束

趙彥

端詞淺寒都

下新妝束

江月去茫茫

白居易琵琶行別時茫茫江浸月

不照春船宿空有酒

如泉

裴秀詩有肉如邱有酒如泉

難聽琵琶曲

白居易琵琶引序子左遷九江郡司馬送客湓浦口聞船中夜彈琵琶者問其

人本長安倡女委身為賈人婦遂命酒使快彈數曲因為長句歌以贈之

醉太平

題姜開先贈歌者李郎秦樓月詞姜氏家傳啟字開先廩監生考授州同知工詩古文詞

支郎眼黃

高僧傳支謙字恭明該覽經籍及諸技藝細長黑瘦白眼黃睛時人語曰支郎眼中黃形軀雖細是智囊

何郎粉香

語林何晏美風姿面純白魏文帝疑其傅粉夏日以湯餅食之汗出色轉皎潔帝始信之人目為傅粉何郎

尊前一曲迴腸

杜安

世詞尊前一曲歌歌裏千重意宋玉高唐賦感心動耳迴腸傷氣注言聲能迴轉人腸

愛秦樓月涼

攬轡錄過相州市有秦樓翠樓康樂

樓月白風清樓皆旗亭也李白詞簫聲咽秦娥夢斷秦樓月

公羊穀梁

百注鄭清之送新薑詩公羊穀梁並出一人之手其姓則姜蓋

四字反切

鄱陽枯蒼詞人試數諸姜

百注梅山姜特立枯蒼人漢書地理志豫章郡縣鄱陽輿地廣記臨

海有枯蒼山宋史姜特立字邦傑麗水人以恩補郎至慶遠軍節度使有梅山續稟算堯章擅場絕妙好詞箋堯章鄱陽人寓居吳與之武康與白石洞天為鄰自號白石道人又號石帚有白石道人詩一卷詞曲六卷

附原作秦樓月詞

會稽姜啟

天下李見後李晉王一般柯葉分仙李李白詩我李百萬葉柯條布中分

仙李東西南祖故家苗裔唐書宰相世系表趙郡李氏叡子勗兄弟居巷東勁子盛兄弟居巷西故叡為東祖

芬與弟勁共稱西祖輯與弟晃共稱南祖漢時有个延年李漢書佞幸傳李延年中山人善歌為新變聲貴為協律都

尉唐時有个龜年李明皇雜錄開元中樂工李龜年兄弟三人皆有才名彭年善舞鶴年龜年能歌龜年李

崔九堂前岐王宅裏杜甫江南逢李龜年詩岐王宅裏尋常見崔九堂前幾度聞

女冠子

鶯簧軟語歐陽修詩暖入鶯簧舌漸調更小店槐陰無暑陸游詩小店茅檐儘容見

索寒漿王維詩槐陰清夏首金瓶素縷汲寒漿汲寒漿飲少年一笑千金值王僧孺詩再顧

傾城易一笑千金買張正見詩千金一巧笑百萬兩鬟姝

雙蛾半額長

釋名蛾蠶蛾也其眉細而長陸龜蒙詩雙蛾初出兩鬢正藏鴉後

漢書馬廖傳城中好廣睂四方且半額

愛他黃竹子織就女兒箱

樂府黃竹子江干黃竹子堪作女兒箱

那得銀釵下

梁元帝詩金錢買含笑銀釵影梳頭裴思謙詩銀釵斜背解明璫

卷衣裳

吳筠詩咸陽春草芳秦帝卷衣裳季

白秦女卷衣詩妾侍卷衣裳

### 望湘人

愛蘭風兩岸

傅元鼓吹曲蘭風發芳氣李賀詩蘭風桂露灑幽翠

梅月半牆

岳珂詩寂寞丹心耿梅月

浣紗

谿上曾住

會稽志西施石在若耶谿一名西子浣紗石蓋俗所謂芴紗者於此浣之宋之問詩越女顏如花越王聞浣紗

步障教

移

晉書列女傳疑之弟獻之嘗與賓客談議詞理將屈道韞遣婢白獻之曰欲為小郎解圍乃施青綾步障自蔽申獻之前議客不能屈

燭花漸

燃

杜甫詩虛燒夜燭花說文燭燼

依約斜窺簾戶虎僕毫尖

博物志有獸緣木文似豹名虎僕毛可取以為

筆麋丸墨淡

宋書百官志承郎月賜赤管大筆一雙喻麋墨一丸北戶錄前朝有呼墨為九梁科律御墨一量十二丸

倩題詩

句記恁時卓女含情

漢書司馬相如傳是時卓王孫有女文君新寡好音相如繆與令相重而以琴心挑之及飲卓氏弄琴文

君竊從戶窺  
心說而好之  
比我相如詞賦漢書揚雄傳蜀有司馬相如作賦甚宏麗溫雅左思詩辭賦擬相如  
愁思

孤帆朝暮奈雙魚消息古詩客從遠方來遺我雙鯉魚黃庭堅詩會思臨水寄雙魚  
未傳幽素李賀

詩病骨傷幽素吳文英詞阿  
到香徑重尋智積記硯石山在吳縣西闔閭置宮苑山前十里有采香徑重監吳

地記香山吳王遣美人采香於山因為名故  
祇有碧桃千樹郎士元詩重門深鎖

無人見惟有晚縣撲柳韓琦詩柳花相撲滾新縣  
晴絲卷燕杜甫詩燕外晴絲卷  
儘自飛來

飛去劉希夷詩洛陽城東桃李花飛來飛去落誰家  
渾不見人面重門見上和沈山子  
虛憶畫中睂

嫵漢書張敞傳敞守京兆尹時罷朝會過走馬章臺街使御史驅自以便面拊嫵馬又為婦畫睂長安中傳張京兆睂嫵張說詩自憐京兆雙睂嫵會待南來

五馬

思越人

小門關深徑轉昔年曾醉秦樓見上題  
笑撚畫裙青案底蘇軾詞

牙鞞翠翹杜牧詩笑把花前出  
教擡纖手藏鉤三秦記鉤弋夫人手拳時人效之為藏鉤之戲李太白詩更

畫裙張衡詩何以報之青玉案

憐花月夜宮  
女笑藏鉤

臨行指我相尋路鏡湖一曲西去會稽志鏡湖在會稽縣東二里故南湖也地周三百十里王逸少有云山陰路上行如在鏡中游鏡湖之得名以此

處舌辭西洲曲日暮伯勞飛風吹烏柏樹樹下即門前門中露翠鈿繞徧湖塘烏柏樹知他門掩何

### 探春令

萑苻夜火左傳鄭國多盜取人於萑苻之澤那年屋角伴人驚走梅堯臣詩缺月來照屋角時靜志居詩話

予年十七避兵練浦歲已丑對銀灣脈脈含情久雞跖集銀灣謂銀河也李賀詩銀灣曉轉流天

東舌詩盈盈一水間脈脈不得語不道是相逢驟露華如雨疑高柳蘇軾詩秋芳壓帽露華滋

滴單衣涼透秦觀詞疎簾半卷單衣初試到歸來始悔輕分手江淹別賦造分手而銜涕已

許我攜羅袖司馬相如賦玉釵挂臣冠羅袖拂臣衣蘇軾詞攜翠袖倚朱闌

### 桂殿秋

思往事渡江干駱賓王詩禹穴枕江干青蛾低映越山看杜牧詩鏡斂青蛾黛處默詩到江吳地盡